## محمد رجب

# همس الحروف

أشعار بالعامية المصرية

الطبعة الأولى 2018



#### بطاقة الكتاب

\_\_\_\_\_

عنوان المؤلَّف: همس الحروف

المؤلّف : محمد رجب

التصنيف : أشعار بالعامية المصرية

رقم الإيداع : 13788-2018

الترقيم الدولى: 0-39-6656-977-978

عدد الصفحات: 100 صفحة

رقم الإصدار الداخلى: 172

تصميم الغلاف: الشاعر محمد الساعي

-----

جميع حقوق الطبع والنشر محفوظة للشاعر، ولا يحق لأى دار نشر طبع ونشر وتوزيع الكتاب الا بموافقة كتابية وموثقة من الشاعر





#### كلمة شكر وعرفان بالجميل

إلى كل من ساهم في بناء وإصدار هذا الديوان سواء كان قريباً أو بعيداً - جزاكم الله عني خير الجزاء -

#### الإهداء

إلى توءم روحى وهمس حروفى وبسمة عمرى من وهبتنى السعادة والحب والحياة الباقية حتى التقيها في جنة الخلا ( ان شاء الله ) الراحلة زوجتى سميرة أحمد ( همس الحروف ) الى أمى ، أبى ، أسرتى ، اصدقائى ، أساتذتى ، اصدقائى ، أساتذتى

محمد رجب

#### حلو الشمايل

إوعى اشوف الدمع تانى فوق خدود القلب سايل ياللي ورد خدودك انتِ فتح النور في الخمايل لما دمع عينيكي ينزل يشتكي القلب اللي مايل والطيور يسكت غناها والنجوم تعمل عمايل أمّا لمّا الضحكه تشرق قلبي يتقطع نسايل والنسيم يضحك في صبحه والربيع حلو الشمايل

## أنا المصري

أنا بيكي أنا تايه في حواريكي أنا بسمه على وشتك أنا نسمه تواسيكي أنا ترانيم في إنجيلك أنا آیه بترقیکی أنا دمي فدا صوتك وسال الدم يفديكي أنا ثاير ما يرضى الظلم بروحي وقلبي أحميكي ولا رصاص الطغاه يقدر

یخوفنی ویؤذیکی ولا سجّان بزنازینه هایحبس حلمی انا لیکی أنا عاشق لحریّه تنادیکی تنادیکی تدوس الظلم أقدامی ونصر المولی یرضیکی یا غالیه إنت مش وحدك أنا جنبك وحوالیکی

## ألم تاني

مابين العتمه والعتمه ألم تاني وميت آهه وميت دمعه محوطاني لا أنا شايف طريق بكره ولا أحزاني سايباني ما بين الدمعه والدمعه بكا مكتوم وصرخه ف قلبي محبوسه كساها غيوم ولا عمري شكيت حظي وإنا المظلوم لكن مكتوب على جبيني أعيش محروم لا أنا عايش .. ولا ميّت وأحزاني بقت ليّا قدر محتوم

### أمل وإحد

صباح يسعد ويتبستم صباح بالعطر يتنسم وضحكه بالأمل ترسم أمل فرحان لأولادي وبكره جديد لبلادى وحلم جميل يجمعنا وليل حالك يودعنا یهل نهار ضیاه دایم يفطرنى وأنا صايم يبشرني بنسايم عيد يفرّحني بلبس جديد يغنى معانا أحلى نشيد

وكل قلوبنا بتغني وتهرب دمعتي مني يدوب القلب في أيديكم وآخد من قلبي واديكم ماهو قلوبنا بقت واحد وجمعنا إله واحد وطن واحد ... أمل واحد

## أنا منها

أنا مخلوق من طينها تعذبنی ف رغیف عیشی لكن روحي في أحضانها ياما ضمتني حواريها وإنا وإخواتي عاشقينها وروحي تنسحب مني لمّا أكون بعيد عنها تجافینی .. تبکینی وعارف اني نور عينها وغصب عنها تشقيني وتشقينى دموع عينها

دي مصر يا ناس ومين غيرها !! وكل ولادها عارفينها

## عاشق ترابك

مهما تطول الليالي لا بد ييجي نهار تطلع شموس الأمل ويفتح النوّار تروي دماء الشهيد تزرع لنا أزهار أزهار نسيم الأمل تتهدم الأسوار أسوار ظلام الطغاه هدّتها أيد ثوّار ثوّار في بركان غضبهم

فجروا أنهار

بحلف يا بلدي ...

بقرآنك وأناجيلك

حافر في قلبي ..

حروف إسمك وقناديلك

واصلي فجري وقداسي وأدعي لك

إحنا ولادك

بيجري في دمنا نيلك

همس الحروف

#### طفل شهید

لكل طفل مات شهيد أو مات غريب أو مات بعيد الطفل ده مات من زمن زمن انكتب فيه الميلاد على شهادة وفاه ومفيش نجاه والكل محبوس في الهموم وسمانا مليانه بغيوم ومافيش مطر والكل قاعد ينتظر

ساعة الخطر ساعة ما سيف الظلم يحصد بسمته والقبر يدفن فيه حكايته وسِكته وإن يوم هينطق... باللي كاتمه من زمان ... سكينة الظالم في لحظة... تسكينة

#### صباحك ورد

صباحك ورد بيفتّح
صباح بيقول لي قوم افرح
وبيغني بصوت كروان
وبيقبّل جبين عرقان
ويرسم بسمه للشقيان
ويرسم بعمه للشقيان
ويزرع بكره للغلبان
يجيب الفجر من تاني
تنوّر أرض أوطاني
ويطرح زرعها نوّار
يفتّح في الوشوش أزهار

وتِعْلَى ضحكتي في الدار وعلى مرّ التاريخ يا امه نعيش أحرار .. نعيش نموت أحرار

همس الحروف

#### حياة سليمان

حياه مليانه بالإيمان ونفحه من رضا الرحمن حياة سليمان كانت دعوه واحد غلبان وضحكايه فقير شقيان حياة سليمان دي غنوايه حزين تعبان وبتطبطب على جبيني وتمسحلي دموع عيني تفرّحني وإنا زعلان حياة سليمان كانت أمى

كانت بتصلّي وتسمّي تزيح عن دنيتي همّي وتدعيلي في كل آدان (حياة سليمان )

#### الصبر خداع

نشف حزنك بدموعك واكتم همتك في ضلوعك وانده ع الصبر تلاقي الصبر خلص ف خضوعك أنده على قد الحزن اللي ماليني على قد خطاوي اليأس ما ترميني على قد ليالي النوم مابتهجرني على قد ما همي يغطّيني إنده ع الصبر تلاقى الصبر خداع ...

وكلام لوّاع

هتلاقي الصبر هموم

وطريق مرسوم بسموم

وخرابة معشش فيها البوم

أنده والنوم مخاصمني

وساعات الأيام تهزمني

ورنين دقاتها بيألمني

ويقولي الصبر ظلام الاعمى

عجز العاجز ..

حجّة مهزوم

بيجر الضعف وراه

أصبر واتلذذ بعذابك

ده الصبر بدايتك وحكايتك

واللحد اللي بيطوي نهايتك

#### زلزليني

زلزليني ...

وارسمي...

صورة شفايفك فوق جبيني

ياللي قبل ما نلتقي

أنا كنت سامعك بتناديني

وارسمي قلبي اللي حبك

جوة قلبك وارسميني

واغرسي بسمة تنور

جوة عمري وتواسيني

أحضني بعينك عيوني

ياللي صورتك ننّ عيني

ودعي أيام خانتنا و زعلتنا بس أوعي تودعيني ياللي قلبي يوم ما حبِّك عدّ أيامي وسنيني مهما يبعد عني رسمك شوقي وياكي وحنيني حبِك إنتِ جوّه روحي ماليني

## قلب متعشم

ولسته الروح بتتنسم نسايم فرح حناله ولسنة بكرة جاي يرسم في عزّ الضلّمة آماله ولستة الدمع في عيوني ينام وفى حضنه أشجانه لكن بكرة اللي جايّ موجوع يلاقى همه فى مكانه لا قادرة عيونى تتبستم ولا نهاري قادر يرسم ولا في الفرح متعشم

يِطيب عمري ويهناله ولا ربيعي هيُصندُف يوم وييجي مره في أوانه

## طلّة قمر

طلّیت من الشباك الله علیك محّلاك نوّر قمرنا الكون لمّا ألتقى بضیاك

وسط الزهور بتكون زهرة تراعيها عيون رموشه زاينه القمر الروح فداه بتهون

طلّيت في ليل ونّاس

تفتن عيون الناس بدر التمام إكتمل زاده جمال إحساس

طلّيت في عزّ نهار عطرك عبير أزهار ما تقولّي أيه العمل لما العقول تحتار

## قول يا قلم

قول یا قلم بکره هاتکتب اسم مین اقفل كتاب الذكريات وامسح دموعى المجروحين ولا استعد من سكات واصبر الدمع الحزين اقفِل خلاص باب الفراق ولا اسيب كل البيبان متفتّحين غششتني مين .. من الأسامي هيختفي علشان خدودي .. من الدموع بقوا غرقانين

قول يا قلم بكره هاتكتب اسم مين كل اللي عشناه في الحياه يصبح عدم والبسمه ليه على الوشوش تصبح ندم حتى الأماني في اللّقا

واحده ... واحده بتتهدِم

ليه تختفي!!

والبسمه كانت جوّه عينها بتترسِم

والآهه لما بنلتقي

على طول بتتحوّل نغم

بعد الرحيل...

الذكريات الحلوة كفنها الألم

ونعيش بقى مستنظرين

ساعة اللقا .. ساعة الفراق

ساعة الرحيل .. ساعة العدم

## آه يا وطن

كل سنه وأنت بسلامه يا وطن الكل باعك كل سنه وأنت في قلوبنا بألف خير كل سنه وأنت في قلوبنا بألف خير مالناش صله باللي اتمحّى ... من قلبهم معنى الضمير ولا لينا دعوة باللي خان ولا بعد ما مثّل علينا ظهر ويان كل سنة وأنت بسلامة يا وطن

مهما يحاولوا يهدِموك إيدين ولادك بنّايين

مهما يحاولوا يهزموك بإيمانا دايما منصورين

كل سنه وأنتَ بسلامه يا وطن مليان جراح

فيك الأمل ..

سافر وراح ومهما طال الليل أكيد

جاي الصباح ..

جاي الصباح

## حروف الشقا

مابين حروف الشقا جاتلي حروف الجر وبين أمل في اللقا وبين آهات المر أشنبك خيوط سكتي ما اعرف مطر ولا حرّ واغرق ما بين دنيتي بين الأمل والشر يقهرني ظلم البشر والعين دموعها تصرّ والعين دموعها تصرّ

وازرع قسايا أمل ورق الحياة يخْضَر واشرب دموعي مطر يروي العطش ما يضُر

#### کریم یارب

لقیت النّار بتحرقنی
وغصْیانی بیسبقنی
وقرآنی بیلحقنی
رجعت یارب صدّقنی
وأنا نادم وندمی عظیم
کریم یارب .. سبحانك .. یارب کریم

يارب فتحت لي بابك رميت ذنبي على اعتابك وكان حلمك بأحبابك يارب عظيم كريم يارب .. سبحانك .. يارب كريم يارب التوبه والغفران وعبدك بالذنوب مليان وسبقاني دموع عيني يارب في رحمتك طمعان كريم يارب .. سبحانك .. يارب كريم

قريت يارب قرءاني وزاد في القلب إيماني لقيت قلبي ووجداني يبكي ع اللّي فات ندمان كريم يارب .. سبحانك .. يارب كريم

أنا شامّم ريح الجنّه وكلّي أمل ويتمنّى

تزيّن دنيتي السنّه

وفي الآخرة يزينني

هدى وغفران

كريم يارب .. سبحانك .. يارب كريم

\* \* \* \* \* \* \*

#### همس الحروف

لسته همسك سامعه قلبي بيناديني لسته صورتك بسمه صافيه بتواسيني حتى لما العين تفتّح بلتقیکی ننّ عینی لسة لمسة أيدك أنتِ حاضنه أيّامي وسنيني عارف انك راجعة تاني من الغياب مش هتسيبيني من الجراح اللّي كواها ..

طول غيابك هنداويني والأمل اللّي فارقني لما غيبتي لما غيبتي راح يجيني بس أترجّاكي لو .. هطوّلي عندك خديني تلتقي روحي بروحك وألقى حضنك بيراضيني

# أغلى إسم

يا شروق الشمس هللي بددي بنورك ظلامي وارمي همتك فوق كتافي جوّة حضن القلب نامي غَنى طيرك فوق غصوني رقّص الفرح في كلامي فاح عبير الورد مني دق قلبي وزاد هيامي والهيام فتح ورودك والربيع موسم غرامي أغلى اسم فقلبي اسمك واختفت كل الأسامي

### ملاك الروح

ملاك الروح .. وحشتيني ورحتي بعيد وسيبتيني لكن روحى فى أحضانك ولا عمرك فارقتيني ولما عيوني افتحها ألاقيكي ضيا عيني حروف إسمك حفرتيها على أيامي و سنيني وغرس إيديكي في غيطاني سنابل قمح تكفيني وغزلك ستثر أيّامى

يدفيني ويكسيني زيارتك ليّا في منامي مئنى غالي يواسيني لقانا تاني في الجنه هيسعدني ويرضيني

# مساء الفُل

مساء الفُل يا سمره يا نجمة مزيّنة القمره یا کاس یسکر بلا خمره يا غنواية على نيلك وإنا شمعة في قنديلك بيضحك لي سنا ضيّك الاقي الشوق بيحكيلك تواسيني في أحزاني أبوس أيدك وأدعيك ولو حسيت بحرماني بتكفيني مواويلك

يا أجمل أم في الدينا تشاوريلى وإنا اجيلك أنا منك ... أنا همتك أنا صبحك ... أنا ليلك أنا بكرة اللّي بيفتّح وبيعطّر مناديلك

### راجع يادار

والله لارجع لك يا دار واغزل سواد الليل نهار واغزل سواد الليل نهار وامسح دموع المجروحين وابني في أطلالها العمار واسقيكي يا صابرة عسل بدل المرار واحضن قلوب العاشقين وابدر هواهم في الديار وامسك لجام المستحيل واعمل لوجع القلب زار والله لارجع لك يا دار

# ما شيلش الهمّ

وأنا معاكي ما شيلش الهم يا نسمة في ليالي الصيف زمان كنتِ في أحلامي ملاك بيجيني زيّ الطيف ماهو أنتِ لدنيتي امبارح ويكرة اللي نهاره لطيف

#### همس القلوب

شايف قلبي مادد لك إيده حاسس إنك عيدك عيده ولقيت فجري عليك بينادي تبقي فعمري سيدي وسيده

سايب نفسي لدقّات قلبي زارع فيه اشواقي وحبي لحظة يغنّي يقرّب مني ومليون لحظة يداري يخبي

قلبى اناعايش ويّا غُناه

وسنين عمري بتستنّاه خايف بس عليه من حبي لما لقيت الروح عشقاه

ياللي الشمس دي نورها في قلبك نبع حنان دنيتي حبّاه كنت بغالط نفسي وإمانع ولقيت نفسي بتتمّناه

نغّم حرفك بالألحان وعلّي الضحكة كمان وكمان وارمي همومك ياللا بسرعه

وارجع طفل جميل فرحان

أحضن حلم جميل بينادي يزرع فرحه ويسمه في وادي جاية شموع الحب تنور والأشواق بتقوله يا هادي

ياللي حنان الكون في كلامك حلو غرامك حلو سلامك عاشق صوتك حتى ملامك طفل صغير اكون قدامك وادعي في سجودي وصلاتي ربّي كريم يسعد أيامك

# وإيه يعني ؟!

وإيه يعني أتوه تاني ؟!
ماهو انتِ عنيكِ واخداني
وإيه يعني أكون عاشقك ؟!
وعاشقك فيّا وجداني
أكون ليكي ضيا ليلك
قمر نوّر قناديلك
أكون زهرة في بستانك
ويسمة في عزّ أحزانك
أنا قلبي فدا قلبك
حياتي ودنيتي عشانك

#### القلب يدوب

أنا جيت الدنيا عشانك أشبع من شهد حنانك واسقيكى الحب بإيدي ما أنا ضلَّك ويّا أمانك أنا جيت أزرعك بسمة أمسح بيها أحزانك واخطف من عينك دمعة تِخْضَر قوام أغصانك أنا جاي مشتاق وماددلك أيدي طالب إحسانك والقلب يدوب من الفرحه

لوحتى زارك فى منامك والعين يكفيها رضاكي والقلب غُناه فى كلامك الله على إيدي فى ايدك الله على حلو غرامك

### شاورت عينيه

ورجعت اتبستمت الدنيا من تاني بعتتلي مليون فرح مسحت لي أحزاني شاورت عينيه لسكتي صَبَح البعيد داني حبّه مَلَا مُهجتي صورته في وجداني زي القمر في السما ونجومه عشقانى شعره بسمار الليل

والحسن ربّاني صوته كما الألحان في القلب عجباني دا هديّة من الرحمن وأنا إيه أقول تاني ؟!

### كوني لي

كونى فى الغربه جواب وافتحى لى ألف باب كوني لي كل الصحاب كوني همسي... كوني ضحكه جوّه يأسى كوني بكره .. كوني أمسي نوّريلي بالأمل ليل الطريق وافرشيه ورد ومحبه كونى ليّا كل شىء كوني لمّا احكي حكايتي كونى في الدنيا مرايتي

كوني لو شرقت غايتي كوني لو غربت غايتي يوم لقاك كان بدايتي يوم فراقك فيه نهايتي فيه يكون قلبي البريء في بحور الشوق غريق تكوي فيه نار الحريق كوني ليّا كل شيء

### في ملكوتي

أنا هايم في ملكوتي ما بين عيشتي وبين موتي وجوع بطني بقى قوتي وعز صراخي فسكوتي وخوف صمتى صبح صوتى

\* \* \*

تبكّيني دموع مظلوم واتبستم وأنا مكلوم واستعفّف وأنا محروم ومهما يطول ظلام ليلي أكيد راحل ومش هايدوم

# إحكي شكوتك

یاللی انت میّت من زمان لیه العصایا تخوّفك یاللی أنت عایش فی الظلام مجهول ما مخلوق یعرفك عمر الرصاص ما یموّتك أوعی تخلّی الظلم تانی یسكّتك

جلجل في كل الدنيا ... واحكي شكوّتك أنده وقول الحق أخرج وقول للظلم "لأ" أصرخ ورجّع ثورتك أنت الأحق ... أنت الأحق أنت الأحق

# هلّت لیالیکی

هلّت ليالي الربيع هلّت لياليكي مهما تمرّ السنين دايب أنا فيكي ومهما أتوه في الوجوه سحراني بعنيكي ولو تزيد الهموم برضايا أرضيكي أبعد ساعات عن لقاكي وخيالي يناديكي

ولو بعيد عن عيوني طيفي حواليكي وإن ضاق عليّا الحال حبي يكفّيكي قلبي يقف م الخوف لو نسمة تؤذيكي روح واحدة في جسدين فيّا أنا وفيكي

همس الحروف

# شَجَن مَكْبوت

بين الحياة والموت
بيعلى للسما صوت السكوت
والفجر ودّع بكره
وطواه التابوت
تخرج براكين الألم
شَجَن مكبوت
فالذكريات الحلّوه والمرّه
قصادي تفوت
وشموسي يقتلها الخفوت
وحبّه .. حبّه تختفي كل الوجوه

وأبدأ أتوه فى وشوش جديده وخلق تانى مشفتهاش قبل النهارده وطيور ترفرف في المكان لجناحها فارده والضلّمة تزحف ع العيون ويْسَبِّلُوا ليّا الجفون آنت خلاص ساعة الرّحيل وكتابي في أيديّا دليل وكتابى فى أيديّا دليل

# أذكريني

خرجي الليل اللي حايش نور عينيكي واطلقي الفجر اللي محبوس بين إيديكي عوّمي أملك في قلبك دوري على قلب حبك وانسى قلب فى يوم غدر بك أخنقي الحزن اللي خنقك أخنقيه بصي ده طريقك منور بالورود راح تفرشيه واوعي تفتكري شعوري ده كلام

ده شعور خلاه شجونك صاحي مش عايز ينام بددي الآهه بهمسة ضحكتك نوري بالضحكة قناديل سكتك واعرفي كل القلوب فيها آهات بددي الآهه بهمس الذكريات واذكريني يوم مضى مافيهوش آهات

## أم الدنيا

مصر بلدنا يا أم الدنيا دولة عظيمة وشعب عظيم غمر ترابها ما ها يهون ثانيه وأنا براكي يا أمي يتيم غمري فداكي وغمر ولادي ارض جدودى وغنى احفادى ياللي ترابك كحل العين ياللي سماكى دعا الوالدين عاشق شمسك عاشق نيلك عاشق نيلك عاشق العتمة ... اكون قنديلك وقت العتمة ... اكون قنديلك دا أنا بإشاره أجري وأجيلك دا إنتي حبيبه قلبي الغاليه ما اديش قلبي يا سمره لغيرك ما اديش قلبي يا سمره لغيرك

#### عيد ميلاد

كل سنه وإنت هنا منوره قلبي أنا وإنت عليّا حنينه ويدوم علينا حبنا المنى انت المنى انت الامل انت المنى وانت الرجا من ربنا وبكرة جاى يضجكلنا وزهور ربيعه تضمنا يا عمري يا كل الحياه... جوه الفؤاد متسلطنه. من أد إيه !! ياعمرى انا وعدى علينا كام سنه أوعي تقولي..ونتعرف أوعي تقولي..ونتعرف لنتحسد على عشنا

### عيونك حبيبتي

ف عينيكي أجمل منى وشدو صوتك غنى ف الدنيا إنتي وأنا عايشين ف جنه وهنا يا ضي طبي القمر دابت عيوني سهر إمتى ينادي القدر وأيامنا تضحك لنا

يا روح تناجي الروح يا ملاك يداوي جروح يا عطر زهر يفوح بستانه بيضمنا

### فتح الياسمين

صباحك فتح الياسمين على بابي ماهو إنت كل ما ليّا وإنتِ كل أصحابي وقلبي لو في يوم يعشق هاتبقی کل احبابی ماهو إنتِ للحياه بسمه وإنتِ في صيفي أنا نسمه وقمره في السما راسمه ورود ألوانها عنّابى ونجمه ضيها مرسوم في نن العين

وعصفور في سما الجنه يغني مرفرف الجناحين طريق أخضر سنابله قمح وليل سهران لحد الصبح ويستنى النهار يطلع يفتّح صبحك الياسمين

### فیکی إیه ؟!

فیکی إیه خلانی أحبك فيكى حنيّه وحنين قلبي مش واخد عليه فيكي حضن وشوق واخدني فاض حنين القلب بيه هاتى أيدك ويا إيدي تنده الأشواق تيجيه أرسمي أسمي ف وريدك ياللي صورتك بتناديه واطلبي روحي أزيدك والقمر فاتح أيديه شمس نورها مالى قلبى

عاشقه ليلى وبتناجيه عيني ويا الروح عبيدك واللقا فرحانه بيه

#### تحضنيني !!

لسه فاتحه لي دراعاتك لسه عايزه تحضنيني لسه رغم البعد عنك ماليه أحساسي وحنيني

مهما تبعدني الأماكن والسنين غصب عني .. يكبر الشوق والحنين يفرح الدمع اللي محبوس جوّة عيني والقاكِ إنتِ بتناديني وتحضنيني

ليه رضيت القسوه منك رغم إني حته منك وافتكرت بعادي عنك

فتره راح يشفيني منك فجأه لما عينيكي شاورت شفت صورتي جوّه ننك والدموع جريت في عيني وكل صورة جارحه قلبي مات ألمها ويّا ظنك

#### ضحكه تايهه

بادور على ضحكتي التايهه وبسمة لبكره قتلوها وشمسى الطالعه دفنوها وأحلامي اللي قدامي سرقوها أنا مصري وطول عمري وأنا شقيان يشاوروا عليّا ويقولوا: " راجل غلبان " وأنا صابر وباتمنى رضا الرحمن وصبری کبیر لكن عمرى ما كنت جبان

ولما ينتهي صبري أكون هادر كما الطوفان وطوفانى يغرق ظلم ايامى وأوهامي واعيش إنسان

## إزاي أعيش ؟!

همس الحروف أصبح سكات والفرح جوّه القلب مات والعمر بعد ما كان أمل ... بقى ذكريات حتى البراق... اللى صنعتيه بضحكتك سابنى وفات لما نويتِ ع الرحيل ما قولتليش لا والله قولتِ بس أنا ما صدقتكيش اهون عليكي ياسمر ف الدنيا من غيرك اعيش قدام عيونى تبقي شمس منوره

وفي لحظة تانيه مالقاكيش من غيرك إنت قوليلي يا همس المحبه أزاي أعيش ؟!

#### صباحك خير

صباحك خير أمل طاير بيرسم فوق خطاوينا ربيع فرحان يهنى الضحكه في قلوبنا ويسعدنا يدوبنا بنبقى معاه في الجنه يحنى أيدينا بالحنه نعيش وياه ونتهنى ونحضن بيه أمانينا نلاقيها تواسينا من الأحزان تداوينا تبان الفرحه في عنينا ونسجد للإله داعيين يفرحنا يهنينا

## إرضى بأسباب الوجع!!

إحبس همومك في التابوت وارضى بأسباب الوجع مش راح يحس حد بيك هاتشيلك الدنيا وتقع

\* \* \* \*

بتخبي ليه دموع الشجن ماهى بكره ع الخدين تسيل زاد الوجع .. مات الألم واللي عدلته راح يميل \*\*\*

الناس كتير حواليّا لكن ليه وحيد كل ما بيقرب شقايا لآخرته ألقاه بعيد والعمر كل مايلقى سكنه وسكته يرجع شريد مكتوب على باب دنيتى اصبح طريد المر والويل والعذاب لو حتى عشت الف عمر من جديد

# إزرع فرح

ما تشيلش يوم الهم مهما هاتكبر شكوتك مسيرها يوم تتلم واسجد لربك واحمده كفاية عندك أم أكبر نعم ربنا في الدنيا لينا الأم عطف وحنان قلبها يشفي القلوب ويضم البشر في وشتها يمحي خيوط الغم والمر من أيدها شهد حتى ولو كان سم

حنانها من ربنا الكل عارفينه دعاها شق السما بورده وبساتينه

الجنه تحت القدم

\*\*\*

ومكان قدمها الراس مخلوقه مش م البشر مخلوقه من الإحساس كل الهامات تنحني دي أمي حبيبتي ياناس

> أمي فى عمري أنا مش بس ست الكل دعوة رضا لربنا

الخير معاها يهل واخداني للجنة من غير تعب ولا كل \*\*\*

الأم دي مدرسة ودروسها مجاني تدخل دروس فصلها ما توهش من تاني البسمة من وشها تكتب لي عنواني يارب مين زيها

دعوتها نفعاني

### وعاشقاني مراسيكي

أصحي الشوق واصحيكي بروحي وقلبي أناديكي ولو بصيتى بعيونك تلاقى طيفى حواليكى يا ساكنة في عيون قلبي وضيّ العين فدا ليكي تناجيني .. واناجيكي يا قمرة في ليالي العشق بتندهلي واناجيكي ونجمة حلوة سهرانه ولو تاهت تتوه فیکی \*\*\*

أشوف صورتك في أحلامي ألاقي الفرحة قدامي واشوف الشمس تتبسم أدوس على كل أوهامي \*\*\*

أصالحه وهو يصالحني بهمس الشوق يفرّحني ما عمره في يوم يجرحني ولو زادت هموم قلبي دفا حضنه يريحني

وبين الرمش والنني أتوه في غرامه أكمني وألاقي عينيه بتحضني ساكن قلبه وساكني

ولمّا الدنيا تجرحني ألاقي عينيه تطمني \*\*\*

يعدي العمر علشانه واسافر جوّه وجدانه يا نبتة حب عشقاني وحلم الروح في احضانه

#### صباح النصر

صباح النصر يا بلادي صباح فرحان .. صباح نادي صباح فرحان .. صباح نادي صباح فرّح أهالينا وشايل نصر مش عادي كأن الفرح كان مشتاق يفرحنا كفايا دموع بقى ياللا ندوس على هم جرّحنا ونلحق بكره يفرحنا

تعالوا بقلبنا نرسم طريق مفروش بأمانينا يفرح عمرنا الحيران ما بين يأسه وخطاوينا

تعالوا نحضن الأيام نلاقيها تواسينا تبوس فرحتها على روسنا ويفرح عمرنا بينا ويفرح عمرنا بينا

#### اسعديني

واكتبي إسمي وإسمك تاج منور فوق جبيني ارسميني بسمة صافيه فوق شفايفك إرسميني ياللي صورتك فرحة تمسح ... هم عمري ودمع عيني ياللي قلبي اختارك إنت كل أشواقي وحنيني عمري كله ملك إيدك كل أيامي وسنيني

### إرمي الهموم

خلي الكرامة نور للعين ما يكونش ليك أبداً وشين ولا تمشي طرطور وسط الناس ولا تبقى عارف رايح فين \*\*\*

ما تشتكيش أبداً من الناس وتقولي ماشيه عكس عكس خلي الهموم في الأرض مداس تلقى الأصول والدين حرّاس \*\*\*

خلي العيون باصه لقدام وما تشتكيش وتقول دا حرام ولا تفتريش ع الخلق كلام

لو تصفى ليك يوم الأيام \*\*\*

أرمي الهموم ياللا معايا وليه تبيع الضحكايه خللى الأمل فرصه وغايه تلقى الرضا فقلبك غنّى وتكون لكل الناس إيه

ما تقولش آخري خلاص موجود وتعيش تقول للناس موعود دا كل شيء في الكون له حدود يمكن تكون من الناس محسود وأكيد هتلقى الفرح يعود

وابكى البكا ساعات بيريتح

يغسل قلوبنا من الأحزان نبقى في أفراحنا ندمع ونقول يارب عيدها كمان \*\*\*

حدوتة متكرره وأكيد هترضينا لانقول بقى رزقنا مش راح يكفينا ولا يوم نلوم حظنا ونبيع أمانينا \*\*\*

واغزل نهارك بالأحلام أوعى في عز الفرحة تنام طول ما انت بنصيبك راضي كل الأمور راح تبقى تمام

## کل حاجه فیکی حلوه

كل حاجه فيكى حلوه كل حاجه مطمناني حتى دقات قلبى غنوه كاتبه فيها اجمل معانى بعد ما لقيت عمرى ضايع السنين ويًا الثواني فجأه رجعت لابتسامه كل شيء حتى الأماني کل حلم منی ضایع التقيته في حضني تاني إوعى تانى ياحزن ترجع توه وخد ویاك زمانی

بدل النای بالکمنجه بدل النوح بالأغانی اوعی تانی تغیب یابکره او تتوه یوم عن مکانی او تسیبنی لدمع قاسی او تسیب الروح تعانی

# محتوى الكتاب

2	بطاقة الكتاب
3	كلمة شكر وعرفان
4	الإهداء
5	حلو الشمايل
6	
8	
9	
11	
13	
15	طفل شهید
17	
19	حياة سليمان
21	الصبر خداع
24	
26	قلب متعشم
28	طلة قمر
30	قول ياقلم
32	
34	حروف الشقا
36	
39	
41	أغلى إسم

42	 ملاك الروح
44	 مساء القل
46	 راجع يادار
47	 ماشيلش الهم
48	
51	 وإيه يعنى
<b>52</b>	
54	 شاورت عينيه
56	
59.	
61	
65	 أذكريني
67	 أم الدنياً
68	 عيد ميلاد
69	
70	
72	 فیکی ایه
74	 تحضنيني
76	
78	 إزاى أعيش
80	
81	
83	 _
86	

	صباح النصر
91	اسعديني
92	ارمى الهموم
95	کل حاجه فیکی حلوه
97	محتوى الكتاب